



Opcion & Naturalisacion: checklist paspoort

E checklist aki ta conta solamente pa e parti Caribense di Reino: Aruba, Corsou, Sint Maarten, Boneiro, Sint Eustatius y Saba.

E checklist aki no ta aplicabel si bo tin un paspoort biometrico.

Pa ken e checklist aki ta?

Bo a pidi pa naturalisacion of opcion. Y bo a muestra un paspoort valido.

Pa un peticion di opcion of naturalisacion ta importante cu por determina bo identidad y nacionalidad cu siguransa. For di e paspoort mester sali na cla cu autoridadnan di bo pais di origen a controla bo identidad. E comprobacion aki ta tuma luga ora bo haci e peticion pa paspoort personalmente y/of ora bo tuma e paspoort personalmente.

No por a constata a base di bo paspoort cu e autoridadnan di bo pais di origen a controla bo identidad. P'esey bo mester presenta algun documento adicional.

Cua documento mi tin mester?

✓ **Mi a pidi y/of tuma mi paspoort personalmente na e autoridadnan di mi pais di origen.**

Bo tin cu entrega documento cu ta demostra cu bo a biaha pa bo pais di origen of pa un pais den cua tin un embahada of consulado di bo pais di origen pa pidi of tuma bo paspoort. Y documento cu ta demostra cu e autoridadnan ey a duna e paspoort despues di controla bo identidad.

Bo por añadi por ehempel e siguiente documentonan:

- un copia di bo ticket; y/of
- un copia di e stampianan di entrada y salida den bo paspoort bieu; of
- un declaracion legalisa of cu stempel di tribunal (apostille) di e autoridad concerni, for di cua por deduci cu a entrega e paspoort despues cu a controla bo identidad. For di e declaracion aki mester por deduci por lo menos lo siguiente:
 - cu bo tabata presente personalmente, cu mencion di fecha y luga; y
 - cua documento di identificacion bo a muestra, kico e number di documento ta y si por ehempel bo a presenta un acta di nacemento tambe.

✓ **Mi no a pidi y/of tuma mi paspoort personalmente. (Por ehempel den un situacion unda bo a aplica pa e paspoort via internet y bo a haya e documento aki via post)**

Bo mester laga controla bo identidad ainda door di autoridadnan di bo pais di origen.

Bo por añadi e siguiente documentonan:

- un declaracion legalisa of un declaracion cu un apostille di e autoridad concerni, for di cua por deduci cu e declaracion aki a wordo duna despues cu a controla bo identidad. For di e declaracion aki mester por deduci por lo menos lo siguiente:
 - cu bo tabata presente personalmente, cu mencion di fecha y luga; y
 - cua documento di identificacion bo a muestra, kico e number di documento ta y si bo a muestra por ehempel un acta di nacemento.

Paga tino: un declaracion cu e paspoort ta autentico y valido (valid and authentic) no ta suficiente.

Con mi por laga legalisa mi documentonan stranhero?

Wak riba e website di www.NederlandWereldwijd.nl.

Mi tin cu laga traduci mi documentonan stranhero?

Si e documentonan ta na un otro idioma cu no ta Hulandes, Ingles, Aleman of Frances, mester laga traduci nan pa e procedura di naturalisacion pa un traductor huramenta, preferiblemente na Hulandes. Pa informacion tocante traduccion di documento pa e procedura di opcion bo por tuma contacto cu Gabinete di Gobernador of cu IND-unit Caribisch Nederland.

Na contenido di e publicacion aki no por deriva ningun derecho. Texto for di e publicacion aki por wordo uza si cita e fuente.